

ერთის მხრივ სსიპ „საზღვაო ტრანსპორტის სააგენტო „ (ს/კ 245631632) შემდგომში წოდებული „აბონენტად“ წარმოდგენილი სააგენტოს დირექტორის მამუკა ახალაძის სახით და მეორეს მხრივ შპს „მაგთიკომი“ (ს/კ 204876606) შემდგომში „კომპანია“/მიმწოდებელი წარმოდგენილი გენერალური დირექტორის მოადგილის გია კოშორიძის სახით ვდებთ წინამდებარე ხელშეკრულებას შემდეგზე:

1. ხელშეკრულების საგანი

- 1.1 ხელშეკრულების საგანს წარმოადგენს აბონენტისათვის 5 მგბ/წმ სიჩქარის ინტერნეტ ტრაფიკის მიწოდება ქ. ბათუმში, ნინოშვილის ქ. N23-ში პირდაპირი ოპტიკური ხაზის GPON -ის მეშვეობით შემდგომში მომსახურება.
- 1.2 წინამდებარე ხელშეკრულების 1.1 პუნქტით განსაზღვრული მომსახურების მიწოდებისათვის აბონენტი კომპანიას გადაუხდის **100** (ასი) ლარს ყოველთვიურად წინამდებარე ხელშეკრულების მე-3 მუხლით დადგენილი პირობის შესაბამისად.

2. მხარეთა უფლება-მოვალეობანი

2.1 კომპანია ვალდებულია:

- 2.1.1 წინამდებარე ხელშეკრულებით გათვალისწინებული მომსახურების გაწევისათვის მოაწყოს საკომუნიკაციო ქსელი და უზრუნველყოს მასზე კლიენტის მიერთება წინამდებარე ხელშეკრულებით განსაზღვრული პირობების შესაბამისად. ამასთან გაურკვევლობის თავიდან აცილების მიზნით კომპანია პასუხს აგებს ქსელის გამართულ მუშაობაზე მიმწოდებლის მხარეს დემარკაციის წერტილამდე.
- 2.1.2 საჭიროების შემთხვევაში დროებით სარგებლობაში (ხელშეკრულების მოქმედების ვადით) გადასცეს აბონენტს მომსახურების მისაღებად საჭირო დამაბოლოვებელი მოწყობილობა.
- 2.1.3 მიაწოდოს აბონენტს ინტერნეტ ტრაფიკი დადგმის საფასურის გადახდიდან არაუგვიანეს 48 საათის განმავლობაში.
- 2.1.4 კომპანია ვალდებულია შემოსული დაზიანება აღმოფხვრას „ელექტრონული კომუნიკაციების სფეროში მომსახურებისა და მომხმარებელთა უფლებების დაცვის შესახებ“ რეგლამენტით გათვალისწინებულ ვადებში და წესის შესაბამისად.

2.2 კომპანია უფლებამოსილია შეზღუდოს აბონენტის ქსელში მუშაობა თუ იგი:

- არაკანონიერი გზით ცდილობს მიიღოს ხელშეკრულებით გათვალისწინებულზე მეტი ტრაფიკი.
 - არ იცავს წინამდებარე ხელშეკრულებით გათვალისწინებულ პირობებს, მათ შორის დროულად არ იხდის მიწოდებული მომსახურების საფასურს.
 - აბონენტი ცდილობს გამოიყენოს ან იყენებს სატელეკომუნიკაციო საშუალებებს არაკანონიერი მიზნებისთვის, ან არაკანონიერი გზით ცდილობს მიიღოს წინამდებარე ხელშეკრულებით დადგენილზე მეტი მომსახურება.
- 2.2.1 კომპანია უფლებამოსილია მოსთხოვოს აბონენტს წინამდებარე ხელშეკრულებით განსაზღვრული პირობების შესრულება.
 - 2.2.2 კომპანია პასუხს არ აგებს იმ ზარალისთვის, რომელიც აბონენტს შესაძლოა მიადგეს აბონენტის სისტემაში მესამე პირის შეღწევის შედეგად.
 - 2.2.3. კომპანია პასუხს არ აგებს აბონენტის ისეთ ქმედებაზე, რომელიც კანონსაწინააღმდეგოა და არღვევს სხვა აბონენტის (აბონენტთა) ინტერესებს, ასევე მოქმედი სამართლის ნორმებს.

2.3 აბონენტი ვალდებულია:

- 2.3.1 დამოუკიდებლად უზრუნველყოს დემარკაციის წერტილიდან თავისი ქსელის გამართული მუშაობა ან/და მხარეთა შორის დამატებითი შეთანხმებით შესაძლებელია კომპანიამ განაზოციელოს აბონენტისათვის ქსელის მოწყობა. ამასთან კომპანია არ არის პასუხისმგებელი მესამე პირთა მიერ აბონენტისათვის მოწყობილი ქსელის გამართულ მუშაობაზე.
- 2.3.2 გამართულ მდგომარეობაში იქონიოს მასზე წინამდებარე ხელშეკრულებით გადაცემული დამაბოლოვებელი მოწყობილობები და პასუხს აგებს მის დაზიანებაზე (მხედველობაში არ მიიღება ბუნებრივი ცვეთა) აბონენტი ეთანხმება ამ პუნქტით განსაზღვრულ პირობ(ებ)ას, რომ დამაბოლოვებელი მოწყობილობის დაკარგვის ან დაზიანების (მ.შ. ფიზიკური, ტექნიკური და ელ. ენერგიის (ძაბის ცვლილება/ვარდნის) შემთხვევაში აანაზღაურებს მათ საბალანსო ღირებულებას.
- 2.3.3 ხელშეკრულების შეწყვეტის შემთხვევაში აბონენტი კომპანიას უბრუნებს დამაბოლოვებელ მოწყობილობებს გამართულ მდგომარეობაში.

2.3.4. აბონენტი უფლებამოსილია საკუთარი შეხედულებისამებრ ისარგებლოს მიწოდებული მომსახურებით დღე-ღამის ნებისმიერ მონაკვეთში და გამოიყენოს იგი ნებისმიერი მიზნებისათვის, გარდა მოქმედი კანონმდებლობით აკრძალულისა.

3. ფასები და ანგარიშსწორების წესი

- 3.1 ანგარიშსწორება ხორციელდება როგორც ნაღდი, ასევე უნაღდო ანგარიშსწორების გზით.
- 3.2 ხელშეკრულების საერთო ღირებულება შეადგენს 400 (ოთხასი) ლარს. მიმწოდებელი ვალდებულია ყოველი მომდევნო თვის 10 (ათი) რიცხვამდე წარუდგინოს აბონენტს გასული საანგარიშო თვის მომსახურების გაწევისათვის შესაბამისი ანგარიშფაქტურა.
- 3.3 ხოლო აბონენტი თავის მხრივ მომსახურების საფასურს იხდის შესაბამისი ანგარიშ-ფაქტურის მიღებიდან არაუმეტეს მომდევნო ხუთი საბანკო დღის განმავლობაში.
- 3.4 ელექტრონული საკომუნიკაციო ქსელის სარემონტო ან/და სარეკონსტრუქციო სამუშაოების მიმდინარეობისას კომპანია ვალდებულია წინასწარ აცნობოს მომხმარებელს სამუშაოების წარმოების დაწყების თაობაზე კანონმდებლობით დადგენილი წესის შესაბამისად. ამასთან გაურკვევლობის თავიდან აცილების მიზნით თუ მომსახურების მიწოდება, შეჩერდა 12 საათზე მეტი ხნით, მიმწოდებელი განახორციელებს მიმდინარე თვის მომსახურების საფასურის გადაანგარიშებას.
- 3.5 მომსახურების საფასურის წინამდებარე ხელშეკრულებით დადგენილ ვადაში გადაუხდელობის შემთხვევაში მომხმარებელს დაეკისრება პირგასამტეხლო 0.02%-ის ოდენობით დარღვევის დღიდან ყოველ ვადაგადაცილებულ დღეზე. ამასთან აღნიშნულ მუხლში განსაზღვრული პირგასამტეხლოს დაკისრება წარმოადგენს მომსახურების მიმწოდებლის უფლებას და არა ვალდებულებას.

4. ხელშეკრულების მოქმედების ვადა და შეწყვეტა.

- 4.1 წინამდებარე ხელშეკრულება ძალაშია 2017 წლის 01 აპრილიდან. მომსახურების მიწოდების ვადა განისაზღვრება 2017 წლის 01 აგვისტოს ჩათვლით, ხოლო ხელშეკრულების მოქმედების ვადა 2017 წლის 01 სექტემბრის ჩათვლით.
- 4.2 ხელშეკრულების მოქმედების შეწყვეტის შემთხვევაში, მაგრამ არაუგვიანეს ხუთი საბანკო დღის ვადაში, მხარეები ახორციელებენ საბოლოო ანგარიშსწორებას.
- 4.3. მიმწოდებელი უფლებამოსილია მომსახურება შეწყვიტოს მომსახურების საფასურის 90 დღით გადაუხდელობის შემთხვევაში.

5. ფორს - მაჟორი

- 5.1 წინამდებარე ხელშეკრულების საფუძველზე არც ერთი მხარე არ აგებს პასუხს მეორე მხარის წინაშე და თავისუფლდება ნაკისრი პასუხისმგებლობის შესრულებისაგან თუ ვალდებულების შეუსრულებლობის მიზეზი გახდა ფორს - მაჟორული გარემოება, რომელიც წარმოიშვა მხარეთაგან დამოუკიდებლად და რომლის წარმოშობის შესახებ მხარეებს ამ ხელშეკრულების დადების მომენტისათვის არ შეიძლებოდა სცოდნოდათ. ფორს - მაჟორულ გარემოებად ჩაითვლება, მაგრამ არ შემოიფარგლება შემდეგი გარემოებ(ებ)ით:
 - სტიქიური უბედურებები.
 - ბლოკადა ან ნებისმიერი სახის ეკონომიკური ემბარგო.
 - საომარი მოქმედებები
 - მესამე პირის ან პირთა ბრალეული ქმედება, რომლებიც შეუძლებელს ხდის ნაკისრი ვალდებულების შესრულებას.
 - მოქმედი კანონმდებლობის იმგვარი ცვლილება, რომლის გამოც შეუძლებელი ხდება მხარეთათვის მომსახურების მიწოდება
- 5.2 ფორს - მაჟორის დადგომისთანავე მხარეებმა გონიერულ ვადაში უნდა აცნობონ ერთმანეთს აღნიშნულის შესახებ მათ ხელთ არსებული საკომუნიკაციო საშუალებებით (ტელეფონი, ფოსტა, ფაქსი, ელექტრონული ფოსტა და სხვა)
- 5.3 ფორს-მაჟორული გარემოებების შეწყვეტისთანავე მხარეები დაუყოვნებლივ აგრძელებენ ხელშეკრულებით ნაკისრი ვალდებულების შესრულებას..
- 5.4 ფორს - მაჟორული გარემოებების არსებობისას ვალდებულებების შესრულების პერიოდი ჩერდება იმ დროით, რა დროითაც გაგრძელდა ფორს - მაჟორული გარემოება.

6. სხვა პირობები

- 6.1 ყველა არსებული და შესაძლო დანართი წარმოადგენს ხელშეკრულების განუყოფელ ნაწილს და განიხილება ერთიან მთლიანობაში წინამდებარე ხელშეკრულებასთან ერთად.
- 6.2 ხელშეკრულებით შეთანხმებულ მოთხოვნებთან და პირობებთან შესაბამისობის დადგენის მიზნით ხელშეკრულების შესრულებაზე კონტროლს განახორციელებს სააგენტოს ადმინისტრაციული დეპარტამენტის მატერიალურ ტექნიკური უზრუნველყოფის სამმართველოს IT მენეჯერი დავით ქაჯაია.
- 6.3 ხელშეკრულების რომელიმე დებულების ცვლილება ან/და გაუქმება არ იწვევს მთლიანი ხელშეკრულების გაუქმებას.
- 6.4 წინამდებარე ხელშეკრულება შედგენილია ქართულ ენაზე, სამ თანაბარ იურიდიული ძალის მქონე ეგზემპლარად, რომელთაგან 2 ეგზემპლარი ინახება აბონენტთან, ხოლო ერთი ეგზემპლარი კომპანიასთან.
- 6.5 კომპანია უფლებამოსილია შეცვალოს მომსახურების ტარიფი რის თაობაზეც იგი ვალდებულია არანაკლებ თხუთმეტი დღით ადრე აცნობოს აბონენტს კანონმდებლობით დადგენილი წესით.

7. დავის გადაწყვეტა

7.1 ხელშეკრულების პირობების შესრულებასთან დაკავშირებული დავების, ურთიერთ პრეტენზიებისა და უთანხმოებების მხარეებს მიერ გადაწყვეტა ხდება ურთიერთშეთანხმების გზით. თუ ასეთი შეთანხმება ვერ იქნა მიღწეული, მაშინ დავა გადაწყდება მოქმედი კანონმდებლობის შესაბამისად.

8. მხარეთა რეკვიზიტები:

კომპანია

შპს "მაგთიკომი"
 ს/კ 204876606
 მის: თბილისი, ვაჟა-ფშაველას ქ. 71.
 საბანკო რეკვიზიტები:
 სს „ვი თი ბი ბანკი ჯორჯიას ცენტრალური ფილიალი“
 ცენტრალური ფილიალი
 ბანკის კოდი BAGAGE 22
 ა/ნ GE73VT660000000423607

აბონენტი

სსიპ „საზღვაო ტრანსპორტის სააგენტო“
 ს/კ 245631632
 მის: ბათუმი ნინოშვილის #23
 საბანკო რეკვიზიტები:
 სახელმწიფო ხაზინა
 ბანკის კოდი: TRESGE22
 ა/ნ 70722058

გია კოშორიძე

გენერალური დირექტორის მოადგილე




მამუკა ახალაძე

სააგენტოს დირექტორი


